

dengan nyatanya, baharu berumur tujuh atau delapan tahun ((sudah faham)) akan sesuatu yang tidak difaham oleh orang-orang yang berumur 16 tahun dalam masa enam atau tujuh puluh tahun yang lampau. Apakah keadaan di sekeliling masyarakat ini tidak menjadi kajian? Apakah kita akan suka melihat anak-anak haram akan lebih banyak keluar di dalam masyarakat kita kerana adanya sekatan-sekatan itu?

Tuhan Maha Bijaksana. Keadaan sesuatu tempat adalah membawa dengan sendirinya pertumbuhan tubuh manusia. Sebab itu umur tidak dijadikan sempadan untuk menentukan boleh berkahwin. Ada orang yang berumur sembilan tahun sudah baligh. Ada pula sampai 16 atau 17 tahun baharu baligh. Dan Tuhan pula menentukan jodoh bagi tiap-tiap makhluk-Nya. Maka walau bagaimana kecilnya tubuh perempuan itu tetapi ia dapat menunaikan tugasnya sebagai seorang isteri dengan sebaik-baiknya. Sebab itu mengapa kita berdalih atau mencari jalan untuk menyekat apa yang telah diluluskan oleh Allah dan rasul-Nya? Apa hak pula menambah atau meminda atau menyekat kelonggaran yang diberi Tuhan? *Mā shā'a Allāh!*

Terang dan nyata bahawa Rasulullah menggalakkan perkahwinan terutamanya kepada anak-anak perempuan. Sebabnya fitnah mudah terjadi di atas mereka. Sedangkan pada zaman Nabi telah digalakkan apalagi masa sekarang di dalam mana anak-anak lebih bebas percampurannya. Banyak kita dengar yang terjadi hamil dahulu baharu kahwin – dan banyak pula yang mengeluarkan anak dengan tidak berayah. Dengan keadaan masa yang seperti ini apakah perkahwinan hendak dipayah dan disusahkan? Apakah lembaga akan memberatkan ibu bapa di dalam menanggung anak-anaknya dan mengawal mereka daripada kejahanatan?

Jauhkanlah kita daripada perbuatan untuk menyekat

atau menyukar sesuatu perkahwinan yang Tuhan sudah meluluskannya. Perkahwinan digalakkan adalah menjauhkan daripada fitnah selekas-lekasnya mungkin seseorang yang telah baligh itu dikahwinkan bermakna menjauhkan fitnah dan bencana dan bermakna juga membersihkan keturunan daripada perbuatan-perbuatan yang tidak baik.

Tuhan juga telah membuat peraturan bahawa kanak-kanak yang belum cukup umurnya boleh dinikahkan dengan syarat-syaratnya dan walinya boleh menahan anaknya disatukan apabila sahaja dipandangnya anaknya yang telah dinikahkan masih kecil lagi dan seumpamanya. Maka apakah kelulusan yang seperti itu mesti ditahan?

Kahwin Lebih Daripada Satu

Kenyataan Majlis Penasihat Islam mengenai kahwin lebih daripada satu dapat disimpulkan seperti di bawah ini:

1. Islam, katanya, tidak menggalakkan kahwin lebih daripada satu.

Islam menuntut supaya suami berlaku adil kepada

isteri-isterinya dan jika tidak berlaku adil maka haram

hukumnya. Sebab itulah pemerintah Islam boleh

mengadakan sekatan atas perkahwinan lebih dari satu.

Sebab itulah Lembaga itu mengesyorkan kepada kerajaan mengadakan penyiasatan atas sesuatu perkahwinan yang hendak dibuat.

Jawabnya: Apakah syarat adil itu? Adil atas nafkah atau bagaimana? Kita telah menyiarkan perkara ini di dalam majalah Qalam yang lalu – didasarkan atas fahaman empat mazhab – bukan di atas fikiran.

2. Contohnya di atas orang yang bergaji \$150 sebulan

Sambungannya pada muka 37

Rencana Pengarang

Sambungan dari muka 7

dengan ada mempunyai dua atau tiga anak, *Chief Kadi* akan menolak atau menahan daripada didaftarkan perkahwinan yang serupa itu kerana menjauhkan daripada tidak berlaku adil kepada isteri yang tua, anaknya dan isteri yang kedua. Kemampuan seperti itu tentulah tidak mencukupi.

Jawabnya: Islam menggalakkan perkahwinan dan mengharamkan zina. Islam mendasarkan sesuatu perkahwinan bukan di atas benda atau kebendaan. Islam tidak mendasarkan sesuatu hukumannya di atas kebendaan. Menurut anjuran Nabi perkahwinan adalah membawa kepada rezeki. Rezeki yang akan datang tidak diketahui oleh orang walau siapa pun – yang kaya dalam sehari boleh jadi papa. Yang miskin dalam sehari boleh jadi kaya. Kalau didasarkan atas kebendaan binasalah agama dan pengajarannya – tidak ada lagi dasar berserah dan bermohon kepada Allah. Adakah kerana kebendaan itu umat Islam disuruh berzina? *Mā shā'a Allāh!*

3. Menerangkan *Chief Kadi* sahaja yang dibenarkan, mengkahwinkan seseorang sehingga empat isterinya sekiranya ia berpuas hati tidak mentang¹ hukum-hukum syarak.

Jawabnya: Apakah syarak menegah sesuatu perkahwinan yang lebih dari satu? Adakah syarak menegah atau menghalang sesuatu perkahwinan? Adakah syarak memerlukan penyiasatan sehingga telah terjadi, kononnya, lebih dahulu meminta izin kepada isteri yang tua kalau

hendak berkahwin lagi? Adakah pertunjuk-pertunjuk syarak menyuruh siasat keadaan orang itu dan hendaklah pula supaya gadis-gadis orang yang hendak dikahwini itu dibawa ke rumah kadi untuk disiasat. Apa tidakkah kelak sekatan itu akan menjadikan orang-orang Islam akan melanggar hukuman dan peraturan negeri iaitu dengan berkahwin tidak mendaftarkan diri? Apa tidakkah kelak apabila diadakan sekatan itu akan menambah lagi kerumitan-kerumitan untuk menggalakkan seseorang lelaki atau perempuan melakukan zina? Apa tidakkah kelak, apabila seorang lelaki sudah asyik kepada seorang perempuan lalu ia akan menceraikan isterinya yang tua kerana suka hendak kahwin lagi? Inilah soal-soal yang besar sekiranya kita menahan kelulusan Allah dan rasul-Nya sedang Allah dan Rasul tidak mengukur untuk menjadikan syarat perkahwinan itu di atas kebendaan. Mudah-mudahan kesedaran ini dapat diatasi.

Sudah terbit!

Pengajian

KESAH PELAYARAN ABDULLAH MUNSHI

di-susun sa-mula oleh:

EDRUS

Harga \$2.50 sa-naskhah

tambah belanja pos (register) 40 sen

Di-chitak dan diterbitkan oleh

QALAM,

356/358, GEYLANG ROAD,

SINGAPORE, 14.

¹ Perkataan sebenar ialah menentang.